

ՀՈԳՈՒ ԶԱՆԱԴԱՐՀՈՐԴՈՒԹՅՈՒՆՆԵՐ ԸՍՏ ԴԱՍԱԿԱՆ
ԶՐԱԴԱՇՏԱԿԱՆՈՒԹՅԱՆ ԵՎ ԱՎԵՍՏԱՅԻ
ՀԻՄՆԱԴՐՈՒՅԹՆԵՐԻ

Դասական զրադաշտականության մեջ վախճանից հետո հոգու դատավճռի վերաբերյալ գոյություն ունեցող հավատալիքները «մահվան առասպելի» անբաժանելի մաս են կազմել: Հուդարկավորության ընթացքում կատարվող ծեսերը և մահից հետո հոգու վերաբերյալ զրադաշտականների պատկերացումներն ամփոփվել են կրոնահավատալիքային համակարգի և առասպելական մտածողության այն ձևաչափում, որտեղ տիրապետող են ոչ թե միտքն ու բանականությունը, այլ հավատալիքներն ու առասպելական մտածողությունը:

Վստահորեն կարելի է արձանագրել, որ տարբեր կրոններում առկա էսխատոլոգիական¹ պատկերացումները համակողմանիորեն ուսումնասիրելու համար հարկավոր է նաև ճանաչել զգայական աշխարհի նրբությունները: Այդ մասին է հավաստում նաև XX դարի կրոնի մեծանուն պատմաբան ու երևութաբան Միքչա Էլիադեն՝ նշելով, որ «մարդու մոտ չէր կարող գիտակցություն ձևավորվել, եթե նա նշանակություն չտար իր զգայական աշխարհին»²:

Ինչպես ենթադրվում է, մահվան հետ կապված բոլոր ծեսերն ու հանդերձյալ աշխարհի վերաբերյալ գոյություն ունեցած առասպելական պատկերացումները կարող են լինել միմիայն խմբակային մտածողության արգասիք և պատկանել զգայական աշխարհին: Դա նշանակում է, որ տարբեր ժողովուրդների մոտ ձևավորված վախճանաբանական պատկերացումները կրոնամիստիկական մտածողության վրա հիմնված և կրոնական դատողությունների արդյունքում առաջացած սրբազան առասպելներ են: Առասպելը, իր հերթին, ինչպես բնորոշել է Խորհրդային հայտնի արևելագետ Լ. Ս Վասիլևը, «խմբակային սակրալ գիտակցության արտացոլանք է, որը

¹ Այլ կերպ ասած՝ «վախճանաբանություն»: Երկրագնդի վախճանի վերաբերյալ տարբեր կրոններում առկա կրոնամիստիկական պատկերացումների համընդհանուր համակարգ է:

² Элиаде М., История веры и религиозных идей, от каменного века до элевсиндских мистерий, М., 2008, с. 6

հակադրվում է անհատականին՝ աշխարհիկին և արմատապես տարբերվում է գրանից³:

Զրադաշտականության ժամանակաշրջանում գերեզմանի մոտ կատարվող արարողակարգը, ինչպես նաև հանգուցյալի հոգու ճանապարհորդության վերաբերյալ կրոնամիստակական գրեթե բոլոր պատկերացումները ժամանակի ընթացքում, մարդկային մտածողության զարգացմանը համընթաց, փոփոխվել են: Մասնավորապես, նկատելի է դարձել ծիսական արարողությունների պահպանման գիտակցության նվազում: Մարդկային մտածողությունն այն ժամանակ է կորցրել «հարգանքը» ծեսի ու ավանդույթի հանդեպ, երբ այն խմբակային մտածելակերպից անցում է կատարել դեպի անհատական:

Ըստ Միքայել Էլիադեի՝ «մահը գոյության»-ն կեցության միանշանակ սրբազան ձև է⁴: Այդ տրամաբանության համաձայն՝ մահից հետո մարդու հետ կատարվող ամեն ինչ տեղափոխվում է սրբազան դաշտ: Մահը և մահվան հետ կապված բոլոր հավատալիքներն ու առասպելներն իրենցից ներկայացնում են տարբեր սրբազան երևույթների հարուստ շտեմարան:

Թեև «գաթերը» համարվում են զրադաշտականների սուրբ գրքի «Ավեստայի» ամենահին հատվածները, դրանք չեն հաղորդում մեզ բավականաչափ տեղեկություններ մահից հետո հոգուն⁵ սպասվող ճակատագրի վերաբերյալ, որը դուրս է գալիս մարմնից մահվանից⁶ անմիջապես հետո:

Վախճանից հետո հոգու ճանապարհորդության վերաբերյալ առավել կարևոր տեղեկություններ ենք ստանում «Փոքր ավեստայից», որտեղ, ի շարս այլ պատկերումների, նկարագրվում է այն վիճակը, թե ինչ է զգում մեղավոր կամ արդար մարդու հոգին՝ երեք օր ու զիշեր սավառնելով իր երկրային տան շուրջը: Ի հավելումն «Փոքր Ավեստայի» պահլավական և ֆարսի գրականության մեջ ոչ միայն նորովի վերլուծվում ու վերապատմ-

³ Васильев Л. С., Проблемы генезиса китайской мысли. М., 1989. с. 4

⁴ Элиаде М., Окультизме, колдовстве и магии в культуре, София, 2002, с. 59

⁵ Ավեստայի լեզվով «Ուրվան» կշանակում է «հոգի» (պիլվ. Ruavn, նոր պրսկ. ravan): «Ուրվանը» զրադաշտական կրոնում ամենակարևոր հոգեբանական հասկացություններից է:

⁶ Զրադաշտական կրոնում «մահը» ֆիզիկական կյանքի դադարեցումն է: Որն իրենից ենթադրում է հոգու և մարմնի առանձնացում: Ըստ իրանական «Բուհդահիշտի»՝ մարդկային անհատականության մեջ գոյություն ունեցող հինգ կարևոր տարրերը, այդ թվում՝ «թան» (տո-մարմին), «ջան» (յո-հոգի, հոգևոր ուժ), «ռավան» (հոգի-ravan), «էվինակ» (ձև-evinak), «ֆրոխար» (ֆրավաշի-frohar) մահից հետո առանձնանում են: Մարմինը վերադառնում է երկիր, կյանքը ձուլվում է քամուն, ձևը՝ արևին, հոգին՝ ֆրավաշին, իսկ հոգին վերացնել հնարավոր չէ:

վում է «Ավեստայի» ողջ նյութը, այլև հանդիպում են նորստոր մտքեր ու գաղափարներ՝ մահից հետո հոգու անորոշ կարգավիճակի վերաբերյալ:

Ըստ «Խադխոխտ» նասկի՝ երբ մահանում է քարեպաշտ անձը, հոգին մնում է նրա գլխավերևում կանգնած⁷, երգում է սրբազան հիմներ և գովերգում է երջանկությունը, որն Ահուրամազդան շնորհել է միայն նրանելիներին: Հիշյալ գլխում կարդում ենք հետևյալ տողերը, որտեղ Ջրադաշտը, դիմելով Ահուրամազդային, բացականչում է. «Ո՛վ Ահուրամազդա, սուրբ հոգի ու երկրային կյանքի արարիչ, դու, որ սուրբ էս բոլոր սրբերից, ասա՛ ինձ, երբ մահանում է քարեպաշտ մարդը, որտեղ է գտնվում նրա հոգին մահվան առաջին գիշերը»: Ահուրամազդան պատասխանում է. «Հոգին կանգնած կլինի մարմնի գլխավերևում և կերգի երջանկությունը փառաբանող «Ուշտավայտի»⁸ կոչվող գաթն արտասանելով. «Փրկություն կգտնի նա, ում Ահուրամազդան իր կամով փրկություն կշնորհի և այս գիշեր նրա հոգին այնպես կցնծա և այնքան ուրախ կլինի, որքան ուրախություն ու ցնծություն նա տեսել է իր ողջ կյանքի ընթացքում»:

Երեք անգամ տալով Ահուրամազդային միևնույն հարցը Ջարդաշտն ստանում է նույն պատասխանը: Զգացողությունների նման նկարագրություն մեք հանդիպում ենք նաև «Վիշտասպ» յաշտում, զգացողություններ, որ վերապրում է քարեպաշտ հոգին մահից անմիջապես հետո: Այստեղ, իհարկե, կան որոշ հավելումներ, ըստ որոնց մահվան առաջին գիշերը մահացածի հոգին գտնվում է **բարի խոսքերի** ազդեցության ներքո, երկրորդ գիշերը այն գտնվում է **բարի գործերի**, իսկ մահվան երրորդ գիշերը երկու ճանապարհների խաչմերուկներում: Այս երկու ճանապարհներից մեկը նախատեսված է մեղավորների համար, որը տանում է դեպի հավիտենական չարչարանքներ, իսկ մյուսն իհարկե, քարեպաշտների համար նախատեսված ճանապարհն է¹⁰:

Ավեստայի տեքստերում չի խոսվում այն մասին, թե վերը նշված զգացողություններից բացի ինչ է գգում քարեպաշտ մարդու հոգին մահից հետո երեք օրվա ընթացքում, սակայն տեսնելով, թե այդ թեման պահլավական գրականության մեջ ինչպիսի զարգացում է ստացել, տրամա-

⁷ Փարսերի հուղարկավորության ծեսերի համաձայն մահացածի դին լավ վանալուց ու սպիտակ սավանի մեջ փաթաթելուց հետո, դնում էին տան մուտքի մոտ քարե սալիկի վրա, որտեղ և կատարվում էր հուղարկավորության ծեսերի որոշ մասը: Հանգուցյալի գլուխը դնում էին այնպես, որ այն չնայի դեպի հյուսիս (տե՛ս Кереди Парви Д. Д. Зороастрийская доктрина загробной жизни, с момента собственной смерти и до моста Чинват. М., 2004, с. 17)

⁸ Ավեստայում այսպես է կոչվում երկրորդ գաթը

⁹ Տե՛ս, Кереди Парви Д. Д., նույն տեղում, էջ 17

¹⁰ Տե՛ս, նույն տեղում, էջ 17

բանորեն հանգում ենք այն մտքին, որ «Չինվադ» կամուրջի մոտ հոգուն սպասել է Վիգարեշա դեր, որն, անկասկած, ցանկացել է հարձակվել նրա վրա և հափշտակել նրան: Վիգարեշա դերն կարող էին միանալ նաև այլ ղիվային ուժեր, այնպիսի ուժեր, ինչպիսիք են «Աստովիդխատու» և «Վայնու» դեր, որոնք ցանկանում են կտրել «կյանքի թելը»: Նրանք փորձում են սպանել հոգուն, ինչպես ժամանակին ցանկացել են սպանել մարմինը: Հնարավոր է հենց սա է պատճառը, որ ինչպես վկայված է Ավեստայում, հոգիները կանչում են Սրառշա կոչվող հրեշտակին, որը պետք է պաշտպաներ բարեպաշտ հոգուն՝ Աեշմա և Վիդխատ չար ուժերի կողմից բարեպաշտ հոգիների վրա հարձակման ուղարկված դներից¹¹:

¹¹ Տե՛ս, Кереджи Парви Д. Д., նույն տեղում, էջ 19